

花
間
集

二



花間集卷五

牛嶠六首

酒泉子

記得去年烟暖杏園花正發雪飄香江
艸綠柳絲長
鈿車織手卷簾望眉學
春山樣鳳釵低裏翠鬟上落梅粧

定西番

紫塞月明千里金甲冷戍樓寒夢長安
鄉思望中天澗漏殘星亦殘画角數
聲嗚咽雪漫

玉樓春

春入橫塘搖淺浪花落小園空惆悵此

情誰信為狂夫恨翠愁紅流枕上
小玉牕前嗔燕語紅淚滴穿金線
縷雁歸不見報郎歸織成錦字封
過與

西溪子

捍撥雙盤金鳳蟬鬢玉釵搖動
畫堂前人不語絃解語彈到昭君
怨處翠蛾愁

不擡頭

江城子

鷓鴣飛盡郡城東
碧江空半灘風
戛王宮殿
籟葉藕花中
簾捲水樓漁
浪起千片雲
雨濛

其二

極浦烟消水鳥飛
離筵分首時送金卮
渡口楊花狂雪任
風吹日暮空江波浪
急芳艸岸雨如絲

張泌二十七首

浣溪沙

鈿轂香車過柳堤
樺烟分處馬頻嘶
為

它沉醉不成泥
花滿驛亭香露細
杜鵑聲斷玉蟾低
含情無語倚樓西

其二

馬上凝情憶舊遊
絕蒼澗竹小溪流
鈿箏羅幕玉搔頭
早是出門長帶月
可堪分袂又經秋
晚風斜日不勝愁

其三

獨立寒堦望月華
露濃香泛小庭花
繡屏愁背一燈斜
雲雨自從分散後
人間無路到仙家
但憑魂夢訪天涯

其四

依約殘眉理舊黃
翠鬟拋擲一簪長
暖

風晴日罷朝粧
閒折海棠看又撚玉
纖無力惹餘香
此情誰會倚斜陽

其五

翡翠屏開繡幄紅
謝娥無力曉粧慵
錦
帟繡被宿香濃
微雨小庭春寂寞
燕
飛鶯語隔簾櫳
杏花凝恨倚東風

其六

枕障熏爐隔繡幃
二年終日兩相思
杏花明月始應知
天上人間何處去
舊歡新夢覺來時
黃昏微雨畫簾垂

其七

花月香寒悄夜塵
綺筵幽會暗傷神
嬋

娟依約畫屏人
人不見時還暫語
令
纔拋後愛微顰
越羅巴錦不勝香

其八

偏戴蒼冠白玉簪
睡容新
缺意沉吟翠
鈿金縷鎮眉心
小檻日斜風悄
上隔
簾零落杏
花陰
斷香輕碧
瑣愁深

其九

晚逐香車入鳳城
東風斜揭繡簾輕
慢迴嬌眼嗟盈匕
消息未通何計是
便須佯醉且隨行
依稀聞道太狂生

其十

小市東門欲雪天
衆中依約見神仙
藥

黃香畫帖金蟬
飲散黃昏人艸已醉
容無語立門前馬嘶塵烘一街烟

臨江仙

煙收湘渚秋江靜
蕉卷露泣愁紅五雲
隼鶴去無踪幾迴魂斷凝望向長空
翠竹暗留珠淚怨閒調寶瑟波中荅鬟

月鬢綠雲重古祠深殿香冷雨和風

女冠子

露花烟艸寂寞五雲三島正春深
貌減潛消玉香殘尚惹襟
竹踈虛檻靜松
密醮壇陰何事劉郎去信沉

河傳

渺莽雲水惆悵暮帆去程迢遞夕陽芳
艸千里萬里雁聲無限缺 夢魂悄斷
烟波裡心如醉相見何處是錦屏香冷
無睡被頭多少淚

其二

紅杏交枝相映密 上濛 上 一庭濃艷倚

東風香融透簾櫳
斜陽似共春光語
蝶爭舞更引流鶯妬
魂銷千片玉樽前
神仙瑤池醉暮天

酒泉子

春雨打窓驚夢覺
來天氣曉
畫堂深紅
燭小背蘭缸
酒香噴鼻
懶開缸
惆悵

更無人共醉舊巢中新燕子語雙上

其二

紫陌青門三十六官春色御溝輦路暗
相通杏園風咸陽沽酒寶釵空暖指
未央歸去插蒼走馬落殘紅月明中

生查子